



UNIVERSITÄTS-  
BIBLIOTHEK  
PADERBORN

## **M. Ant. Mvreti Variarvm Lectionvm Libri XV**

**Muret, Marc-Antoine**

**Antverpiæ, M. D. LXXXVI.**

Cap. 9. Illustratus locus è primo Topicorum Aristotelis.

---

[urn:nbn:de:hbz:466:1-70864](https://nbn-resolving.org/urn:nbn:de:hbz:466:1-70864)

*Illustratus locus è primo Topicorum Aristotelis.*

CAPVT IX.

**Q**UODAM loco è primo Topicorum Aristotelis vis particulae *καρὸς* non satis è Latinis interpretibus percipi potest: vbi sic philosophus loquitur: *ἀλλ' ὁ δὲ τὸ δ' ἡμεῖς, ὅτι τὰ καρὸς τὸ ἴδιον, καὶ τὸ γένος καὶ τὸ ἐκείνου πᾶντα λεγόμενα, καὶ καρὸς τὴν δεξιὰν ἀξιωματικὴν λέγει.* Non enim vertendum est, ita vt illi faciunt, ad proprium, ad genus, ad euentum, ad definitiones: sed, aduersus. Hoc enim docet philosophus: quæ argumenta adferri solent ad docendum aliquid non esse alicuius proprium, aut euentum, aut genus, eadem valere aduersus definitiones. Nam vt, si quid non recipiatur proprium non est, ita neque definitio. & si doceatur genus non esse, quod in definitione pro genere positum est: ipsa quoque definitio perimitur. quin etiam si quid ostendatur eorum quæ ad definiendum adhibita sunt, *καὶ ἀρῶνται*, tolletur definitio: cum in tollendis etiam euentis eadem ratio valeat. est autem ita dictum *καρὸς*, vt in illis, *καρὸς Δεσμίων, καρὸς τὸ Φιλίππου ἐπιπέλω, & similibus.* Sic & libro secundo τὰ *καρὸς τὸ δέον* vocauit ea, quæ ad oppugnandam *δέον* valerent.

*Correctus & illustratus locus è secundo Topicorum.*

CAPVT X.

**S**I QUANDO thesis nobis aliqua impugnanda sit, quæ sterilis, vt ita dicam, & ieiuna sit, neque magnum vllum habeat campum, in quo excurrere possit oratio: qua ratione huic incommodo occurrere ac morderi debeamus, copiosè Aristoteles libro secundo Topicorum docet. inter cetera autem quæ ponit apta & accommodata ad orationem in planum ac patentem locum